


Te Tārere

Ngā Whakamārama:

Tikina ēnei rauemi, ka hanga ai i tētahi tārere:

- tētahi maihea
- he aho (ki te takiwā o te 1m te roa)


Herea te maihea ki tētahi pito o te aho, ka pupuri ai i tērā atu pito, kia rite ki te whakaahua nei: →



Hei Mahi:

1. Puritia te maihea, kia huapae te aho, ka tuku ai kia piu.

Whakamahia he wāti tū hei ine i te wā e otī ai ngā piunga 10, mai i tētahi taha ki tētahi me te hoki anō ki te taha tuatahi.



2. Whakamahia tō inenga i te wā hei whiriwhiri i te wā e otī ai tētahi piunga kotahi.

3. Kia pērā anō te mahi hei ine, hei whiriwhiri i te wā o te piunga kotahi mēnā e 300mm, e 400mm, e 500mm, e 600mm te roa o te aho. Tuhia ki tētahi tūtohi pēnei i tēnei:

Te roa o te aho	Te wā o te piunga kotahi
300mm	
400mm	
500mm	
600mm	

4. Tuhia he kauwhata rārangi hei whakaatu i ngā wā e oti ai te piunga kotahi mēnā e 300mm, e 400mm, e 500mm, e 600mm te roa o te aho.
5. He aha ngā kōrero matua e kitea mai ana i te kauwhata?
6. Ki tō whakaaro, e hia te wā o te piunga kotahi mō ēnei whāroa o te aho? Whakamāramatia he aha i pēnā ai ō whakaaro:

Te roa o te aho	Te wā o te piunga kotahi
200mm	
350mm	
700mm	
900mm	

7. He aha te take i inea ai te wā mō te 10 piunga, kātahi ka whiriwhiria te wā mō te piunga kotahi?